







Vèsyon 9/2022

Edikasyon Nitrisyon



MannaPack® Pòmdetè-W



Vèsyon 9/2022

Edikasyon Nitrisyon

ISTORIK:

Selon Òganizasyon Mondyal Lasante, "Sèlman kèk timoun resevwa manje konplemantè ki apwopriye yo san danje; Nan anpil peyi mwens pase yon katriyèm (1/4) nan ti bebe ki genyen 6-23 mwa laj satisfè kritè yo nan divèsite rejim ak frekans manje ki apwopriye pou laj yo. "Òganizasyon Mondyal Lasante ak UNICEF rekòmande "entwodiksyon manje konplemantè apwopriye yo (solid) lan 6 mwa, epi kontinye bay tete jiskaske ti bebe a gen 2 zan laj oswa plis toujou."

Itilazyon MannaPack Pòmdetè-W baze sou rekondasyon Òganizasyon Mondyal Lasante ak UNICEF. Sepandan, manman yo ak moun kap bay ti bebe yo swen ta dwe konsilte ak ekip swen sante yo pou yo ka rive deside kisa ki pi bon pou sikontans yo.

Referans: Òganizasyon Mondyal Lasante. Tibebe ak manje pou jenn timoun . 9 jen 2021. Disponib nan: <https://www.who.int/news-room/fact-sheets/detail/infant-and-young-child-feeding>

Resous: (òganizasyon Agrikilti ak Manje (FAO) nan Nasyonzini. Manje konplemantè pou timoun ki gen laj 6-23 mwa. Disponib nan: <https://www.fao.org/3/AM866E/AM866E00.pdf>

Lè pou sèvi ak Mannapack Pòmdetè-W ak lòt manje konplemantè:

KONSEP:

Òganizasyon Mondyal Lasante, ak UNICEF, ak anpil lòt òganizasyon sante rekòmande pou bay tete san kanpe pou tibebe ki fenk fèt pou sis premye mwa yo. Apre ti bebe a gen 6 mwa, manje konplemantè a ka ajoute. Manje ki prepare san danje ap gen ladan ti pòsyon nan manje ki pire oswa kraze pou ti bebe. Diferant kalite manje pral enpòtan pou bay yon rejim ekilibre yon ti bebe bezwen. Manje sa yo ka gen ladan manje enèji (tankou gress), manje pwoteyin (tankou pwason, bèt volay, vyann, ak soya), ak legim ak fwi. Yon rejim ekilibre ap ede timoun nan kontinye grandi ak devlope pandan y'ap kontinye bay tete ak evantyèlman sevre soti nan bay tete.

MANNAPACK Pòmdetè-W se yon manje konplemantè pou ti bebe ki gen laj 6-12 mwa. Yo itilize li pou konplete nitrisyon apre peryòd eksklizif bay tete.

MANNAPACK Pòmdetè-W pa ta dwe itilize pou ranplase lòt manje.

GID FOMATÈ:

Kisa ou wè nan foto sa yo?

Repons yo ka:

- Nou dwe kontinye ak alètman sèlman pou 6 premye mwa yo.
- Apre 6 mwa, lòt manje ak Mannapak pòmdetè-W ka ajoute pou bay yon varyete de manje.
- Manje ekilibre yo ajoute gen ladan manje ki gen lanmidon ladan (diri, mayi, pòmdetè), manje pwoteyin (vyann, pwason, bèt volay, pwa, soya, nwa), ak legim ak fwi.

Ki manje ki nan Mannapack Pòmdetè-W?

KONSEP:

MannaPak Pòmdetè-W bay yon labouyi ki fèt ak yon varyete manje ak eleman nitritif enpòtan nan kwasans ak devlopman yon ti bebe. MannaPak Pòmdetè-W fèt ak pòmdetè sèk, farin soya, ak yon melanj de vitamin ak mineral nan nivo yo rekòmande selon Òganizasyon Mondyal Lasante pou laj 6 a 12 mwa.

GID FOMATÈ:

Kisa ou wè nan foto sa yo?

Repons yo ka: MannaPak Pòmdetè-W gen yon balans nan manje ki rekòmande pou manje konplemantè yo oswa alètman siplemantè.

Konsèvasyon Bwàt ak Pakè MannaPak Pòmdetè-W

KONSEP:

Mannapak Pòmdetè-W pa dwe estoke atè. Li dwe estoke lwen mi yo, nan yon chann kote lè ka antre. MannaPak Pòmdetè-W dwe yon kote ki pwoteje de ensèk ak wonjè, epi pa estoke li tou prè pwodwi chimik ki toksik. MannaPak Pòmdetè-W ta dwe estoke nan yon gad manje ki fèmen oswa nan yon chanm.

GID FOMATÈ:

Ki sa ou wè nan foto yo nan premye ranje a?

Repons yo ka: Moun yo ap mete pakè a ak bwat la sou yon tab ki ka rete nan yon chanm. Pa mete bwat la atè a.

Ki sa ou panse kalandriye a vle di?

Repons yo ka: Prodwi yo dwe estoke epi itilize yo avan 18 mwa.

Poukisa ou panse ou pa dwe mete pwodwi a sou yon sifas atè?

Repons yo ka:

- Pou kenbe li an sekirite kont enfeksyon (pinèz ak wonjè) ak kont domaj nan dlo oswa lòt bagay ki ta ka atè a.
- Si pwodwi a enfekte, ou dwe jete l lwen.

Nan enstitisyon ou, èske ou sere manje a nan yon kote ki an sekirite? Èske li dwe fèmen?

Repons yo ka: Pou enstitisyon nou an li ka bezwen fèmen pou anpeche vòl. Lè yo voye manje nan yon kay, li pa bezwen fèmen.

Ki jan ou panse pwodwi ki louvri yo ta dwe estoke?

Repons yo ka: Sele tèt la byen sere ak sachè ki ka fèmen oswa mete li nan yon vesò ki pa pran dlo epi mete yon kouvèti sou li.

Kisa ou dwe fè si pwodwi a vin jòn oswa pi fonse nan koulè oswa si poud yo vinn fè boul?

Repons yo ka: chanjman nan koulè k lè a ka rive lè pwodwi a estoke pandan lontan nan yon espas ki fè cho anpil. Li pa gate pwodwi a epi li ka toujou itilize pou fè manje.

Kisa ou ta dwe fè si pwodwi a gen mwazi oswa si gen ensèk oswa arenje nan melanj la?

Repons yo ka: si gen mwazi oswa gen ensèk oswa arenje, sa vle di ke pwodwi a ka kontamine epi yo pa dwe itilize li.